

# Khris' Suangphum

Suangphum lepkhitsa loungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XIX. No. 32

PRIVATE CIRCULATION

August 8, 2021

## BANGZIAK A THILHOIH HIH CHIMTAKLOU DIING?

Jamson

**T**hugelh masate (unp. James gelh) ina simnate apan in **thilhoih hih** I chih bang hi hiam chih I theihlai uh i gingta. Huaite ah thilhhoih hih I chih tuh **panpihna nasep** ahihdan kichiantak in taklat in ana omtha. Paul in thilhoih hih chimtaklouh diing ahihdan ana gen hi (Galatiate 6:10). Khatvei nihvei I hihte kichimtak ngeilou a, i hihsa tamveipi I hih thakthak chiang in kichimtak theipan hi. I Laisiangthou in chimtak kei un chi ahihman in thilhoih or panpihna nasep tuh khat vei nihvei lel a hun thil ahikei a, I dam-sung teng khollou a hih diing thil ahihdan akilang hi. Thilhoih hih a midangte panpihna ah vualzawlina om ahihman in i chimtak kei diing. Hiai banah ah thilhhoih hih I chimtaklouh diing ziak tamlou taklang lai ni.

Khovel ngaih in leng thihhoih hih a midangte panpih tuh thil dik leh thilkilawm, thilhoih, thilphathuai ahi hi. I pianpih mihingte tung a thilh hoih va hih tuh mihing a piang khia kuama'n thilsia in a ngaihtuah ngeikei. Hiai bang a thil hoih leh thil phathuai, thildik leh thil minhoihte hih diingte tuh Khristiante I hi uh. Tuabangte delh diing a hasuan in I om uhi. *"Huaikhit chiang in unaute aw, thil dik peuhmah, thil phathuai peuhmah, thil kilawm peuhmah, thil siangthou peuhmah, thil hoih peuhmah, thil minhoih peuhmah, hoihna himhim a om a, phatna diing a omleh huai thilte ngaihuah un"* (Philipite 4:8). Huaiziakin thilhoih hih I chimatak theih hilou hi.


*"Thilhoih hih diing a Khris Jesu a siam a om in, amah khutsuak I hi uhi; huai thilhoih hih I khhosakna dan diing in Pathian in a bawlkhoh ahi"* (Ephesate 2:10). Pathian in Khristiante a ziak bei a hon siam ahikei. **Ahon siamna san (purpose) khat tuh thilhoih hih ahi.** Mite tung a thilhoih hih diing a Khris Jesu a siam a omte ihi. Huan, **huai thilhoih hih tuh I khosak dan dia sehkhol ahilai hi.** 1 Peter 4:10 in leng Khristiante tuh Pathian vualzawlina I donte pansan a khat leh khat kisepsak tuah diing in hon hilh hi. Huaiziakin thilh hoih hih a panpihna nasep tuh eite a diing in nelsiah a chimtak theih thil hihetlou hi.

Sawltak Paul in hichi'n ana chi hi, *"Kibatlu-alna diing in, na hauhna uh tulai in a taksap awng-*

*hukna a hong hih a, a hauhna uleng na taksap awng-hukna uh a hong hih sam theihna diing in ka chi ahizaw, huchi in, kibatlualna a hong om thei diing hi"* (2 Korinthte 8:14). Hiai gingtute lak a kibatlu-alna kigen pen neih leh lam tengteng kibatluahna ahihpahkei chi'n tomkim in ina thei lel phot diing uh. Unau khat in neksenglouh nei napi a unau khat suansam a ngaihsaklouh diing hilou hi.

Huaiziak mah in gingtu masate'n Septuam hong kipat chillai in Jesualem khua ah a inn leh gam neunte uh zuak in sawltakte khebul ah tawikhawm in a taksap bangzel in ana hawm uhi (Nasepte 2:44; 4:32-37). Hun lemtang neih bangzel a I panpih diing tuh polam mite (Khristian loute) ahi. I unaute panpih a atung ua thil hoih hih bel lemtan hun kia a hih diing hilou in I mohpuak ahi (Galatiate 6:10).

Pathian innkuante I himan un (1Timothi 3:15) unau khat I ihi vek uh. Huaiziakin, *en neksenglouh, silh senglouh leh luah senglouh inn I neihlai a I unau khat suansam leh meikuang paisuak a a-om diing thil kilawm ahikei.* A neizaw in a unau neilou zawte a kankuah a mohpuak ahi. Kaina bang a ka unau dontu ka hi ahia I chih khakleh. Hi, I unau dontu I hi! Ki-awlmoh a I kipanpih tuah chiang in I lak ah kibatlualna omthei diing hi. Mosi bang a I lal inn apan kumkhia a I unaute haksatna theihpih leh panpih dia kal I suan I mohpuak ahi.



**PLACE OF WORSHIP**

UCI Building,  
Sector - VI. RK Puram,  
New Delhi - 110022

Phone No. 9953968807

website : [www.cocdelhi.org](http://www.cocdelhi.org)

**'KHRIS' SUANGPHUM, A WEEKLY BULLETIN FOR  
THE MEMBERS OF THE CHURCH OF CHRIST, DELHI,  
ON THE FIRST DAY OF THE WEEK'**

Enkaitu : Jamson Guite

**BIBLE CLASS****Class****Teacher**

Adult	: Khenpi, Siamkhanmuan
Inter.	: James & Jamson
Junior	: Ginsuan & Suanlian
Primary	: Minlun & Niangngaihching
Beginner	: Chingkhanlun & Pauliansiam

**NILAINI BIBLE CLASS**

Host :- Lang James

Ahun :- 9 PM

**ONLINE****BIBLE CLASS & SERMON**  
**AUGUST, 2021**

Toupa' Ni

Date 8.8.2021

Hun-uk thumna : Lang James

Bible Class : Siamkhanmuan

Thugen : Nekkhothang

Thumna : Joseph Suantak

Toupa' Ni

Date 15.8.2021

Hun-uk thumna : Pauminthang

Bible Class : Siamkhanmuan

Thugen : Jamson

Thumna : Timothy

**THOUGHT OF THE WEEK**

**Huchi in thilhoih hih chimtak keini; i lung-kiak kei leh a huntak ah i at ngei diing uhi (Galatiat 6:9)**

**THU TUAMTUAM**

**THU TUAMTUAM**

**HONGTUNG UH**

▀ A pa sih ziak a kha masa a Shillong a va hoh unaunu Margret kal paita sintawpni nitaklam in damtak in hongtung kiknawnta hi. Unaunu ahileh a unau ua upapen ahihziak in apa omlounha toh kisai a innsung vai sukfel ding tampi a neih ziak in sawtkhop huailam ah va om hi. Damtak a hongtunkik theih ziak in i kipak mahmah uhi.

▀ A pianna pa unaupa Ngamkhothang in hon omlouhsan ziak a Saiton a va zin unaunu Kimnu leh unaupa Janglet leng zan kiginni zan in damtak in Delhi hongtung kiknawnta uhi. Amau leng dam a hongtun theihman un i kipak petmah uh.

**MEETING OM DIING**

▀ A hongtung diing tu kiginni (date 14.8.2021) chiang in Saptuam business meeting neih hi diing hi. Amun leh a hun diing toh kisai makailamte'n hon zasak thak diing uh. Unaute'n ngaihven in a tam theilam telthei diing in kisa ni.

**LOHCHING UH**

▀ Tukum CBSE pawl X result puangkhiak ahih toh kiton in Mr. Gin Paul s/o unaupa Khamthiangmgung in 90% in ana zoukkhia hi. Miss Freda d/o unaunu Chiinngaihvung in leng CBSE nuai mah ah pawl XII 85% in ana zoukhia hi. Banah, unaute Lunkhannuam, Brenda Nianghoikhim leh Manmuankim in leng BA ana zoukhia uhi. Hipi leng haihang kal a lohchinna ahon muh ziak in i kipak kholdiak uhi. Congretulation!

**KI-AT SAK**

▀ Kal paita ningani in Sitaram Bharatia hospital ah unaunu Niangngaihching in a numelam (ovarian cyst) lohchingtak in ana atkhesak hi. Huan, Pathian ompihna toh sintawpni in damdawi in leng ana pawtsanta hi. Kipahhuai mahmah. Ahong damsiang pah i deisak uhi.

**SAPTUAM IN KIPANPIH**

▀ Tuma a damlou a ki-at unaupa Thangliankhup Saptuam in teng 15000 in kipanpih hi. Saptuam in kihihhoi mahmah. Amah leng kipak petmah hi.

**KIPAHTHU GENNA**

Damlou a ka omlai a unaute'n non thumpihntate uleh mimal a tha leh zung, sum leh pai a non panpih ban uah, Delhi Saptuam in a sumtang tami mahmah a hon panpihna sawn-sawnna tung ah kipakpetmah in ka kipahna hiae i bulletin uh Kris Suangphum tungtawn in kon gen hi. Hiae ka kipahthu gen kam a ka gen bang a honna pomsak diing in leng kon ngen sawn-sawn hi.

I biak Pathian in panpih ngaite panpih thei gige diing in a Saptuam domsang in vualzawl gige leh chih ka thumna ahi. Ka kipak petmah.

Khris a na unau uh,  
Thangliankhup.

**Calm Before the Storm**

- Jay Launius

Our lesson this morning comes from the 13th Chapter of Romans where Paul gives instruction on how to interact with the government. To summarize he says obey the government so you can live a peaceful life. It is believed that the letter was written between 57-58 AD during the rule of Emperor Nero. Nero had become popular with the poor of Rome because he had given them tax relief and other benefits. The church was primarily made up of the poor thus their relationship with the government would have been somewhat peaceful. But that would soon change.

In 64 AD there was a great fire in Rome which destroyed as much as two thirds of the city. Some believe that Nero himself had the fire set for his own amusement. However he never took the blame but rather blamed the fire on the small sect of Christians living in Rome. Nero declared "open season" on Christians and thus started a dark period of terrible persecution.

Christians were hunted, tortured and put to death. Most would think that it would be the end of the church, however historical accounts say that the martyrdom of those Christians killed caused an increase in faith and the church continued to grow. That's absolutely amazing and causes us to wonder how we would react to such persecution. Let's thank God for the church and the peacefulness we enjoy today.